

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na preporuku Komisije za provođenje postupka javne nabavke broj: 09-14-17746-2-4/17 od 02.08.2018.godine, u konkurentskom postupku za dostavu ponuda za nabavku radova za izgradnju rezervoara za vodu kapaciteta $V=35m^3$ za naselje Šahmani, MZ Željezno Polje, općina Žepče, Ministarstvo za rad, socijalnu politiku i izbjeglice Zeničko-dobojskog kantona, donosi

ODLUKU o izboru najpovoljnijeg ponuđača

Član 1.

Ugovor o izvođenju radova za izgradnju rezervoara za vodu kapaciteta $V=35m^3$ za naselje Šahmani, MZ Željezno Polje, općina Žepče dodjeljuje se ponuđaču „HUNES“ d.o.o. Žepče za ponuđenu cijenu od **28.411,88 KM**, sa PDV-om, kao najbolje ocijenjenom ponuđaču.

Član 2.

Prijedlog ugovora o izvođenju radova dostavit će se na potpis izabranom ponuđaču „HUNES“ d.o.o. Žepče, po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude, u skladu sa članom 72. stav 1. Zakona o javnim nabavkama.

Član 3.

Ova odluka objavit će se na web-stranici Zeničko-dobojskog kantona – www.zdk.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke po konkurentskom zahtjevu, broj: 09-14-11794-2-1/18 od 23.07.2018. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a: 25.631,09 KM.

Obavijest o nabavci broj: 1312-7-3-2-3-2/18 objavljena je 25.07.2018. godine na portalu javnih nabavki.

Komisija za provođenje postupka javne nabavke imenovana je Rješenjem ministra za rad, socijalnu politiku i izbjeglice Zeničko-dobojskog kantona broj: 09-14-17746-2-2718 od 25.07.2018. godine.

Komisija za provođenje postupka javne nabavke sačinila je dana 02.08.2018. godine zapisnik o pregledu i ocjeni ponuda broj: 09-14-17746-2-4/17 sa preporukom ugovornom organu za zaključenje ugovora o izvođenju za izgradnju rezervoara za vodu kapaciteta $V=35m^3$ za naselje Šahmani, MZ Željezno Polje, općina Žepče, sa ponuđačem „HUNES“ d.o.o. Žepče čija je ponuda ocijenjena kao prihvatljiva u predmetnom postupku javne nabavke.

Komisija je utvrdila da ponuda ponuđača „IRE-E.E.d.o.o.Žepče, Golubinja bb cijenom nije odgovarajuća budući da ponuđeni iznos od 31.415,54 KM premašuje planirana sredstva u Budžetu za ovaj postupak.

U izvještaju o radu Komisije za izbor najpovoljnijeg ponuđača utvrđeno je da je ista blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - dvije (2);
- da su blagovremeno zaprimljene - dvije (2);
- da su neblagovremeno zaprimljene - nula (0);
- da je prihvatljivih ponuda – jedna (1).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije.

Ocjenom provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije za izbor najpovoljnijeg ponuđača.

Naime, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama („Službeni glasnik BiH“, broj 39/14), podzakonskim aktima, internim aktima i predmetnim konkurentskim pozivom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Rang ponuđača	Naziv ponuđača	Cijena sa PDV-om u KM
1.	„HUNES“ d.o.o. Žepče	28.411,88


Iz navedenih razloga, primjenom člana 64. stav 1. tačka b) Zakona o javnim nabavkama („Službeni glasnik BiH“, broj 39/14), odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi BiH putem ugovornog organa- Ministarstvo za rad, socijalnu politiku i izbjeglice Zeničko-dobojskog kantona, ulica Kučukovići broj 2, Zenica, u roku od 5 (pet) dana od dana prijema ove odluke. Žalba se podnosi u najmanje tri primjerka.

Zenica, 06.08.2018 godine

Broj: 09-14-17746-2-5/17



MINISTAR

Erhan Šahinović

ku
Dostavljeno:

2x ponuđači,

1x a/a